

IQTISODIY TADQIQOTLAR
ЭКОНОМИЧЕСКИЕ ИССЛЕДОВАНИЯ
ECONOMIC RESEARCH

ILMIY JURNALI

4
2021

**TOSHKENT DAVLAT IQTISODIYOT
UNIVERSITETI**

“IQTISODIYOT” FAKULTETI

**IQTISODIY TADQIQOTLAR
(ЭКОНОМИЧЕСКИЕ ИССЛЕДОВАНИЯ,
“ECONOMIC RESEARCH)**

ILMIY JURNALI

4

2021

Toshkent

**4
2021**

**Elektron ilmiy jurnal
Научный журнал
Scientific magazine**

**IQTISODIY TADQIQOTLAR ILMIY
JURNALI**

MUASSIS

Toshkent davlat iqtisodiyot
universiteti

Tahrir kengashi raisi:

Abduraxmonov Qalandar Xodjayevich – i.f.d., prof.,
akademik

Tahrir kengashi:

Eshov Mansur Po'latovich- i.f.d., professor
Abduraxmonova Gulnora Qalandarovna – i.f.d., professor
Xudoyqulov Sadridin Karimovich – i.f.d., professor
Begalov Baxodir Abdusalovich– i.f.d., professor
Bekmurodov Adxam Sharipovich- i.f.d., professor
Vaxabov Abduraxim Vasikovich- i.f.d., professor
Maxmudov Nosir Maxmudovich- i.f.d., professor
Salimov Baxtiyor Tadjiyevich- i.f.d., professor
Mustafaqulov Sherzod Igamberdiyevich- i.f.d., professor
Jumayev Nodir Xosiyatovich- i.f.d., professor
G'ofurov Ubaydullo Vaxabovich- i.f.d., professor
Xolmo'minov Shayzaq Raxmatovich- i.f.d., professor
Amirov Lochinbek Fayzullayevich – i.f.n., PhD
Xatamov Ibodullo Sadullayevich – i.f.n., dosent
Asqarova Mavluda Turopovna– i.f.n., dosent
Xajiyev Baxtiyor Dushaboyevich– i.f.n., dosent
G'ayibnazarov Sanjar Baxodirovich – i.f.n., dosent
Kamalova Malika Nizamovna– i.f.n., dosent
Mamaraximov Begzod Erkinovich- i.f.n., dosent

Tahrir hay'ati:

Begzod O'rinov– (AQSh)
Uktam Burxanov – (Chexiya)
Bozorboy Berkinov – i.f.d. (O'zbekiston)
Mark Rozenbaum (AQSh)
Volfgang Lukas (Germaniya)
N.V.Morozov (Rossiya)
Viktoriya Vdovichenko (Ukraina)
Gulyabmir Raxmani (Afg'oniston)
Axmed Muxamed Aziz Ismail (Misr)
Kaukab Azim (Saudiya Arabistoni)
Sherqul Shodmonov (Toshkent)
Rauf Salaxodjayev (Toshkent)
Axmedjon Mamatov (Toshkent)
Ju Jengron (Xitoy)
Jou Chingjiye (Xitoy)

© ISSN 2181-4457

**IQTISODIY TADQIQOTLAR ILMIY
JURNALI**

**4
2021**

**Elektron ilmiy jurnal
Научный журнал
Scientific magazine**

Bosh muharrir:

Eshov M.P.- i.f.d., prof.

Adabiy muharrir

Xajiyev B.D.- i.f.n., dots.

Bosh muharrir o'rinbosari

Amirov L.F. - PhD

Musahhih:

Jurnal sahifalarida chop etilgan materiallardan foydalanilganda "Iqtisodiy tadqiqotlar" ilmiy jurnalidan olindi deb ko'rsatilishi shart. Tahririyat taqdim etilgan maqolalarni taqriz qilish va qaytarish majburiyatini olmagan. Maqolada keltirilgan dalillar va ma'lumotlar uchun muallif javobgar.

Veb-sayt manzili: <https://economicresearch.tsue.uz>

E-mail: economicresearchjournal@gmail.com

МУНДАРИЖА

IQTISODIYOT, INNOVASIYA VA TADBIRKORLIK NAZARIYA VA AMALIYOT		
Salimov B.T., Salimov Sh.B.	Kichik biznes faoliyatini imitasion innovasiyalar yordamida rivojlantirish.....	6
Abdullayeva M.K.	O'zbekistonda oziq-ovqat sanoati tarmoqlarida ishlab chiqarish xarajatlarini pasaytirishning asosiy jihatlari.....	11
BARQAROR IQTISODIY RIVOJLANISH: MAKROIQTISODIY YONDOSHV		
Ismoilova G.T.	Qishloq xo'jaligi mahsulotlarini qayta ishlash sanoati-ning mamlakat iqtisodiyotidagi o'rni va rivojlanish tendensiyalari.....	17
Mirzarakhimova A.	Development of the digital economy in the Republic of Uzbekistan.....	25
Неделкина Н.И.	Открытость экономики нового Узбекистана: реалии настоящего и приоритеты для будущего развития.....	28
Turgunov D.T.	Макроекономические показатели в Центральной Азии за 10 лет включая в период пандемии с зонами риска.....	36
INSON RESURLARINI BOSHQARISH, IJTIMOIIY SIYOSAT VA BANDLIK		
Goyipnazarov S.B., Fayzieva M.Kh.	The assesment of the strategic roles of human resources professionals in the banking sector in Uzbekistan.....	46
Mamaraximov B.E.	Aholining demografik o'zgarishlari iqtisodiy taraqqiyotga ta'siri.....	54
Хашимова Г.А.	Положительная динамика роста рабочих мест за 2020 год.....	58
Хакимова Л.Ш.	Формированию государственной политики в сфере занятости.....	61
To'xtayeva X.F.	Xodimlar mehnat motivasiyasini kuchaytirishni takomillashtirish yo'nalishlari.....	69
TARMOQLAR IQTISODIYOTI VA REAL SEKTORNI KOMPLEKS RIVOJLANTIRISH		
Насырходжаева Д.С., Алимова Ш.А.	Проблемы развития конкурентоспособности промышленных отраслей в период пандемии.....	74
Yadgarov A.A.	Agrosug'urta-qishloq xo'jaligida iqlim o'zgarishini yumshatuvchi moliyaviy vosita sifatida.....	79
TILSHUNOSLIK VA PEDAGOGIKA: ILM-FAN RIVOJLANTIRISH YO'LLARI, MUAMMOLAR, TAHLIL VA NATIJA		
Исмаилова С.Р.	Сопоставление основы и окончания русского и узбекского языков	82

ЎЗБЕКИСТОНДА ОЗИҚ–ОВҚАТ САНОАТИ ТАРМОҚЛАРИДА ИШЛАБ ЧИҚАРИШ ХАРАЖАТЛАРИНИ ПАСАЙТИРИШНИНГ АСОСИЙ ЖИХАТЛАРИ

Абдуллаева М.К. -
ТДИУ “Фундаментал иқтисодиёт”
кафедраси доценти, и.ф. н.

Мамлакатимизни ижтимоий иқтисодий ривожланишини таъминлашда локомотив тармоқларидан бири бўлган саноат тармоғини ривожланиш кўрсаткичлари муҳим ҳисобланади. Саноат корхоналарида харажатларни пасайтириш барча ишлаб чиқарувчиларнинг диққат марказидаги муаммолардан биридир.

Миллий иқтисодиётда меҳнат унумдорлиги ижтимоий ишлаб чиқариш самарадорлигини ифодаловчи асосий кўрсаткичлардан бири саналади. Мамлакатимиз Президенти Ш.М. Мирзиёев 2017-2021 йилларда Ўзбекистон Республикасини ривожлантиришнинг бешта устувор йўналишлари бўйича Ҳаракатлар Стратегиясида “иқтисодиётнинг энергия ва ресурс сарфини қисқартириш, ишлаб чиқаришга энергия тежайдиган технологияларни кенг жорий этиш, қайта тикланадиган энергия манбаларидан фойдаланишни кенгайтириш, иқтисодиёт тармоқларида меҳнат унумдорлигини ошириш”¹ лозимлиги тўғрисида алоҳида тўхталиб ўтилган. Чунки саноат тармоқларини ривожланиши ҳозирги кунда глобал жаҳон иқтисодиётида рақамли иқтисодиёт шиддат билан ривожланиб келаётган бир вақтда бир қатор омиллар таъсирида шаклланади.

Иқтисодиёт тармоқларида саноатни ривожлантиришнинг тутган ўрни ва аҳамияти Р.С.Портер, Д. Деверюкс ва бошқа бир қатор хорижлик олимлари, А.Ортиқов ²,

Э.Х. Махмудов,³ М.Исоқовлар ва бошқа бир қатор маҳаллий олимлар томонидан тадқиқ этилган. Ҳозирги кунда мамлакатни динамик ривожланишини таъминлашда саноат тармоғининг ҳам хиссаси ошиб бормоқда.

Мамлакатнинг замонавий иқтисодиётида саноат 10 дан ортиқ комплекс тармоқларни, алоҳида ва шу билан бир қаторда технологик жиҳатдан бир-бирига боғлиқ бўлган хом-ашёни қайта ишлаш ҳамда тайёр маҳсулот ишлаб чиқариш тармоқларни ўз ичига бирлаштиради.

Ўзбекистонда 2019 йилда 331,0 трл.сўмлик саноат маҳсулотлари ишлаб чиқарилган бўлиб, унинг ўсиш темпи 106,6 %ни ташкил этди. Мустақилликнинг дастлабки йилларидаёқ, озиқ-овқат саноати тубдан ўзгартирилиб, ҳозирги кунда ушбу тармоқ стратегик аҳамиятга эга бўлган

¹ Ўзбекистон Республикаси Президентининг “Ўзбекистон Республикасини янада ривожлантириш бўйича Ҳаракатлар стратегияси тўғрисида” ги 2017 йил 7 февралдаги ПФ-4947-сонли Фармони

² Ортиқов А. Саноат иқтисодиёти. –Т.: “Sano-standart”, 2014. – Б.– 40

³ Махмудов Э.Х., Промышленность Узбекистана.-Т.: «Иқтисодиёт», 2013. – Б.- 26-30.

тармоқни ташкил этади. Озиқ-овқат саноати Республикада биринчи навбатда, маҳаллий қишлоқ хўжалиги маҳсулотларини қайта ишлаб чиқаришга асосланган ва ёғ-мой, сутни қайта ишлаш, кондитер ва бошқа бир қатор корхоналар фаолият юритиши асосида сифатли озиқ-овқат маҳсулотларни етказди.

Миллий иқтисодиётимизда озиқ-овқат саноатининг республика ЯИМ улушида 2016 йилда 18,0 фоизни ташкил этган⁴ ва 2019 йилда 2018 йилга нисбатан 15,9 фоиз кўп озиқ-овқат маҳсулотлари ишлаб чиқилган. 2018 йилнинг мос даврига нисбатан солиштирилганда 2019 йилда истеъмол маҳсулотлари ишлаб чиқариш таркиида поозиқ овақт маҳсулотларининг улуши 69,0 %дан 68,0% гача камайган. Озиқ овқат маҳсулотлари ишлаб чиқариш таркибида вино ва ароқ маҳсулотлари ва пиво 7,1 фоизни ташкил этди.⁵

Мустақиллик йилларида аҳоли жон бошига гўшт истеъмоли 1,3 баробар, сут ва сут маҳсулотлари 1,6 баробар, саноат усулида қайта ишланган мева-сабзавот маҳсулотлари истеъмоли деярли 4 баробарга ортди.⁶ Озиқ-овқат саноатида ушбу тармоқларнинг ривожланишида товарларнинг хилма-хиллигининг ортиши ва аҳолини ушбу товарларга бўлган талабнинг ортиши мос равишда таъсир кўрсатган.

Ўзбекистонда бир қатор озиқ-овқат саноати тармоқларида жаҳон иқтисодиётида ўз ўрнига эга. Ўзбекистон жаҳондаги пахта ёғи ишлаб чиқарувчи 20 та йирик ишлаб чиқарувчилар таркибига киради. Озиқ-овқат саноатида пахта чигитидан ёғ ишлаб чиқарувчи корхоналар Тошкент шаҳрида, Фарғона, Каттакўрғон ва бошқа бир қатор минтақаларда ўз фаолиятларини олиб бормоқдалар. Ўзбекистон жаҳон миқёсида тамат пастаси ишлаб чиқариш бўйича бешинчи ўринни, қуриқ мевалар етиштириш бўйича ўнталик йирик ишлаб чиқарувчилар таркибидадир⁷.

Озиқ-овқат саноатини техник-технологик ривожланиши иновацион жараён бўлиб, кўпгина иқтисодий, яъни объектив ва субъектив, ташқи ва ички омиллар таъсир кўрсатади.

Ишлаб чиқарилган озиқ-овқат саноати маҳсулотларида товарнинг таннархи хом-ашё ва истеъмолчи жойлашувига кўра турли хил ҳудудларда бир-биридан фарқ қилади. Демак, хом-ашё ва истеъмол омилларини умумлаштириб ҳисобга олган ҳолда, озиқ-овқат саноатини жойлашувини уч гуруҳга ажратишимиз мумкин:

1. Хом-ашё манбасига йўналтирилган тармоқларнинг жойлашуви – ёғ-мой, консерва, шакар, виночилик ва шу каби тармоқлар.

⁴ Миркомиллов М.Н. Развитие промышленности и её роль в экономике Республики Узбекистан // Иқтисод ва молия 2017, 10, 35– с.

⁵ Ўзбекистон Республикаси давлат Статистика қўмитаси маълумотлари асосида

⁶ Усманов З.К., Қўзиев К.Ф. Ўзбекистон озиқ-овқат саноати тармоқларида ишлаб чиқариш кучларини жойлаштиришнинг минтақавий хусусиятлари// Иқтисод ва молия 2016, 7, 36– б.

⁷ Миркомиллов М.Н. Развитие промышленности и её роль в экономике Республики Узбекистан // Иқтисод ва молия 2017, 10, 35– с.

2. Бевосита тайёр маҳсулотларни истеъмол қилувчилар жойлашувига йўналтирилган тармоқлар жойлашуви – қандолат, ун-ёрма, макарон каби маҳсулотларни ишлаб чиқариш тармоқлари.

3. Хом–ашё ва истеъмолчи жойлашувига йўналтирилган озиқ –овқат саноати тармоқлари – ун-ёрма ва гўшт маҳсулотлари ишлаб чиқариш тармоқлари.

Биз шу билан бир қаторда, озиқ–овқат саноатини ривожланишини таъминловчи омилларни таҳлил қилишимиз мумкин.

Жадвалга аҳамият берсак, ҳозирги кунда жаҳон миқёсида коронавирус пандемиясининг кенг тарқалиши ва аҳолини озиқ-овқат хавфсизлигини таъминлашда биринчи навбатда озиқ овқат саноат тармоқларини кенгайтиришга бўлган талаб ошади. Ўзбекистон Республикаси Ҳукумати томонидан 2016-2020 йилларда озиқ овқат саноати тармоғини ривожлантириш дастурида умумий суммаси 596 млн бўлган 180 дан ортиқ лойиҳаларни амалга ошириш режалаштирилган. Ҳозирги кунда ушбу лойиҳага киритилган “Ангрен шакар”, “Меҳнат малт”, “Gold Dried Fruits”, “Sunny Fruit Production”, “Master Global Pluss” каби ишлаб чиқарувчи корхоналар ўз фаолиятларини олиб боришмоқда.

1-жадвал

Озиқ–овқат саноати ривожланишини таъминловчи омиллар⁸

Ишлаб чиқариш ўсишини таъминловчи омиллар	Ишлаб чиқариш ўсишини таъминловчи қўшимча омиллар
1) озиқ–овқат маҳсулотларига бўлган аҳоли талабининг ошиши	1) Инновацион технологияларни қўллаш
2) хом–ашё базасининг ошиши	2) янги бозорларни излаб топиш
3) инвестиция маблағларини киритиш ҳажмини ошиши	3) сифат характеристикасини яхшилаш
4) божхона тарифлари чора–тадбирлари орқали тартибга солиш	4) маҳсулот хавфсизлиги бўйича сертификатларга эга бўлиш

Мамлакатимизда олиб борилаётган кенг кўламли ислохотлар озиқ–овқат саноатида ҳам ўзининг ижобий натижаларини бермоқда. Шу жумладан, маҳсулот ишлаб чиқариш ҳажми ва сифати ҳам ошиб бормоқда. Иқтисодчи олимларнинг фикрига кўра 2025 йилга бориб Ўзбекистон даромадлари ўртачадан юқори бўлган мамлакатлар қаторига кирази ва озиқ-овқатларга, айниқса мева-сабзавотларга бўлган талаб ортиб бориши тахмин қилинмоқда. Республика ҳукумати томонидан 2015-2020 йиллар учун аҳолининг соғлом овқатланишини таъминлаш концепцияси қабул қилинган бўлиб, унга кўра аҳоли томонидан мева-сабзавотни истеъмол қилиш ҳажмини 2020 йилга қадар 15 %га ошириш кўзда тутилган.⁹

⁸ Жадвал муаллифлар томонидан ишланган

⁹ www.review.uz. Ўзбекистан принял концепцию здорового питания стоимостью. 3,7 млрд. сумов и \$403 тыс.

Умуман олган озиқ-овқат саноатини ривожлантириш юқорида кўрганимиздек, аграр сектор билан узвий боғлиқдир. Шунинг учун ҳам қуйидагиларга асосий эътибор қаратиш лозим:

- тармоқлараро интеграцияни кучайтириш, яъни қишлоқ хўжалигида яхши ҳосилдорликка эга бўлиш учун инновацион илмий марказлар – аграр сектор орасидаги ҳамкорликни кучайтириш;

- озиқ-овқат саноати соҳасида хом ашё етиштирувчи, қайта ишловчи, ва логистик фирмаларнинг битта кластерда мужассамлашуви орқали иқтисодий самарадорликни ошириш;

- жаҳон тажрибасига кўра мева-сабзавотларнинг 90%и янги узилган ҳолда истеъмол қилинишини ҳисобга олган ҳолда қишлоқ хўжалиги маҳсулотларининг электрон бозорини янада ривожлантириш лозим.

Ишлаб чиқаришнинг асосий мақсадига эришиш учун барча ресурслардан оқилона фойдаланиш, тайёрланадиган маҳсулотнинг ҳар бир бирлигига сарфланадиган харажатларни камайтириш керак. Ўзбекистон Республикасида ҳам айнан ишлаб чиқаришни ривожлантириш, мамлакатнинг тўлов балансида ижобий тенденцияларга эга бўлишида хом ашё ресурслари эмас, балки тайёр маҳсулот эвазига эришишида айнан ишлаб чиқариш асосий ўринни эгаллайди. Шунинг учун ҳам саноат тармоқларида таркибий ўзгаришларни амалга оширишда модернизация қилиш ва ишлаб чиқарилаётган маҳсулотларни диверсификациялаш орқали амалга оширилмоқда.

Ушбу йўналишда меҳнат унимдорлиги ҳам марказий ўринни эгаллайди. Меҳнат унимдорлигини оширишни ижтимоий меҳнатни тежовчи омил сифатида қараш мумкин. Агар ишлаб чиқаришнинг умумий самарадорлиги харажатлар ва ресурсларнинг айрим турлари билан солиштирилган иқтисодий самаранинг умумий миқдори тушунилса, меҳнат унимдорлиги - инсон меҳнатининг муайян вақт ичида озми - кўпми маҳсулот ишлаб чиқариш қобилиятидир.

Ишлаб чиқаришнинг умумий самарадорлиги харажатлар ва ресурсларнинг айрим турларидан фойдаланиш даражасини аниқлаш ва баҳолаш учун қўлланилади ва умуман, халқ хўжалиги бўйича, тармоқлар, корхоналар, капитал қурилиш объектлари бўйича ҳисоблаб чиқилади. Бундай самарадорликни аниқлаш харажатлар ва ресурслар самарадорлиги даражасини, самарадорликнинг асосий йиғимларини акс эттирувчи дифференцияланган кўрсаткичларни ҳисоблаб чиқишга асосланади. Бундай кўрсаткичларга ишлаб чиқаришнинг ёки унда тайёрланадиган маҳсулотнинг меҳнат сиғими, материал сиғими, фонд сиғими, капитал сиғими киради.

Ишлаб чиқариш харажатларини пасайтиришда меҳнат унимдорлиги ошириш кўрсаткичлари ҳам алоҳида ўринни эгаллайди.

Меҳнат унимдорлиги ўсишини ўртача иш ҳақининг ўсиш суръатларидан илгариларчи суръатларини таъминлаш (ёки маҳсулот ишлаб чиқариш ҳажмлари суръатининг нстемол фондлари ўсиши

суръатларидан ортиб кетиши). Бу тамойилнинг моҳияти — ишлаб чиқаришни ривожлантириш ва унинг самарадорлигини ошириш асосида меҳнат даромадларини максимал (энг кўп) даражага етказишдан иборат. Бу тамойилга риоя қилиниши жамғариш жараёнининг, кенгайтирилган такрор ишлаб чиқаришнинг узлуксизлигини тақозо этади ва корхонанинг ривожланиши ҳамда равнақ топишининг зарур шарти ҳисобланади.

Мазкур тамойилнинг бузилиши товарлар билан таъмин этилмаган пулнинг тўланишига, унинг кадрсизланишига, мамлакат иқтисодиётида турғунлик ҳолатлари авж олишига олиб келади. Муайян корхона шароитида бу ишлаб чиқариш воситаларини янгилаш жараёнининг секин-аста сусайиб бориши, улардан энг истиқболлиларини ишлаб чиқариш ва сотиб олиш мўлжалининг йўқлиги ҳамда бунинг натижаси сифатида рақобат қилувчи фирмалар ўртасида камроқ сифатли маҳсулотга бўлган талабнинг пасайишидир.

Меҳнат унимдорлиги кўрсаткичи иқтисодий ўсишни кўрсатувчи индикаторларидан бири ҳисобланади. Шунинг учун ҳам барча даврларда меҳанут унимдорлигини ошириш масаласига алоҳида эътибор қаратилган.

Реал ЯИМни ошириш икки усул билан амалга ошириш мумкин:

1. Ишлаб чиқаришга кўплаб ресурсларни йўналтириш;
2. Ишлаб чиқаришга йўналтирилган ресурслардан унимли фойдаланиш орқали.

Меҳнат унимдорлиги ишлаб чиқарилган маҳсулотнинг умумий ҳажмини уни ишлаб чиқариш учун кетган вақтга нисбатига айтилади ёки бошқача қилиб айтганда, битта банд кишига тўғри келадиган реал иш вақти тўғри келади.

Меҳнат унимдорлигини ошириш ҳар қандай иқтисодий тизимда ҳам турли хил йўлларда турли омиллар таъсирида амалга оширилади. Агар юқорида келтирилган ҳолатлардан бири юзага келса, меҳнат унимдорлиги ошади: ишлаб чиқарилган маҳсулот ҳажми ошиб, харажатлари пасайса; харажатларга нисбатан ишлаб чиқарилган маҳсулотларнинг ҳажми тезроқ суръатларда ўсса; харажатлар пасайиб, ишлаб чиқарилган маҳсулотлар ҳажми ўзгаришсиз қолса.

Меҳнат унимдорлиги омиллари бу ҳаракатга келтирувчи кучлар бўлиб, уларнинг таъсирида унинг даражаси ўзгаради. Режалаштирилаётган йил учун меҳнат унимдорлиги режалаштирилган йил меҳнат унимдорлиги даражасининг базис йилга нисбатининг фоиздаги ифодаси орқали аниқланади.

Бизнинг фикримизча, меҳнат унимдорлигини ошишини аниқлашда, қуйидагиларни ҳисобга олиш зарур: ишлаб чиқаришнинг техник даражасини ошириш; ишлаб чиқаришни ва меҳнатни ташкил қилишни бошқаришни такомиллаштириш – бошқарув структурасининг ишлаб чиқариш ва ташкилий бўғинларини ҳар бир даражасида бошқаришни яхшилаш, бошқаришнинг иқтисодий, ташкилий, ижтимоий–психологик услубларидан самарали фойдаланиш, ишчилар малакасини ошириш, иш

вақтидан фойдаланиш самарасини ошириш ва бошқалар.

Фойдаланилган адабиётлар рўйхати:

1. Ўзбекистон Республикаси Президентининг “Ўзбекистон Республикасини янада ривожлантириш бўйича Ҳаракатлар стратегияси тўғрисида” ги 2017 йил 7 февралдаги ПФ-4947-сонли Фармони
2. Ортиқов А. Саноат иқтисодиёти. –Т.: “Sano-standart”, 2014. – Б.- 40
3. Махмудов Э.Х., Промышленность Узбекистана.-Т.: «Иқтисодиёт», 2013. – Б.- 26-30.
4. Миркомиллов М.Н. Развитие промышленности и её роль в экономике Республики Узбекистан // Иқтисод ва молия 2017, 10, 35– с.
5. Усманов З.К., Қўзиев К.Ф. Ўзбекистон озиқ-овқат саноати тармоқларида ишлаб чиқариш кучларини жойлаштиришнинг минтақавий хусусиятлари// Иқтисод ва молия 2016, 7, 36– б.
6. The Foreign Agricultural Service <http://www.fas.usda.gov/Data & Analysis/>

IQTISODIY TADQIQOTLAR

ELEKTRON ILMIY JURNALI

Tahririyat manzili:

100003, Toshkent sh., Chilonzor tumani, I. Karimov ko'chasi 49-uy

Telefonlar *****